



4. august 2015

Inatsisartut Suleriaasianni § 37 naapertorlugu Naalakkersuisunut apeqquiti imaattut matumuuna saqqummiuppakka:

Naalakkersuisunut apeqquiti:

1. Kalaallit Nunaanni politiit akissuteqarnerminni piffissaq atortagaat pillugu ukiumoortumik naatsorsuusiortoqarnikuua?

2. Kalaallit Nunaanni politiit akissuteqarnerminni piffissamik atuisarnissaat pillugu anguniagassanik aalajangersaasoqarnikuua?

3. Taamaangippat: Eqqarsaatigineqarpa taamatut ukiumoortumik naatsorsuusiortoqartalernissaa aamma Kalaallit Nunaanni politiit akissuteqarnerminni piffissamik atuisarnissaat pillugu anguniagassanik aalajangersaasoqarnissaa?

(Inatsisartunut ilaasortaq Justus Hansen, Demokraatit)

Tungavilersuut

Rigspoliteqarfiup, Danmarkimi politikreditsit 2006-p naalerneraninngaanniit kalerrisaarinerit tua-viortumik qusuariarfigisassat akissuteqarfigineranni piffissaq atortagaat nalunaarsortalernikuuaa; tassa imaappoq, piffissaq politiit atortagaat politiit kalerrisaarneqarneranniit politiit perulluliorfigineqartumut- imaluunniit ajutoorfiusumut anngunnissaasa tungaanut. Politikreditsit akissuteqarnerminni piffissaq atortagaat agguaqatigiisillugu taamanili tamanut saqqummiunneqartalerpoq.

Politikredit tamarluinnarmik uuttuineq siullerpaaq pimmalli piffissaq akissuteqarnerminni atortagartik pitsanngartikkiartuaarsimavaat. 2012-mi agguaqatigiisillugu akissuteqartoqartarsimavoq 8 min. 35 sekuntillu ingerlareersullu - tamannalu 2 minuttinik 13 sekuntinillu pitsanngoriarnerusimavoq 2007-mut naleqqiullugu.



Kalaallit Nunaanni politiit eqqarsaatigalugit taamatut naatsorsuusiortoqartarnersoq ilisimangilara. Taamaallaalli innuttaasunit erloqisunit tusartarnikuuara akissuteqartoqartartoq aatsaat 30 minuttiniit 60 minuttit ingerlareeraangata; Kalaallit Nunaanni Tunumi Kitaanilu illoqarfinni tamani politeeqarfiit ammasarfiisa avataanni.

Tamanna naammaginangitsutut isikkoqarpoq taamaattumik apeqqutaavoq maannakkut upalungaarsimasuutitaqarneq naammannersoq, illoqarfimmi ataatsimi unnukkut unnuakkulluunniit ataatsikkut arlallit pinartumik kalerrisaarisimatillugit.

Soorunami paasisinnaalluarpara nunami maani pissutsit immikkuullarissut pissutigalugit Danmarkimisulli piffissaq akissuteqarnermut atorneqartartoq appartikkuminaatsinneqassappat.

Taamaakkaluartorli innuttaasut toqqissisimanissaannut taamatullu soorlu persuttaasoqarniartilugu persuttaanerup pinngitsoortinnissaanut imaluunniit inuup ajoqusinnginnissaanut, tillinniat tillitaminnik aallarussinnginnissaannut pingaaruteqarpoq pinerluttut tigusarinqarnissaat sapinngissamik piffissap sivikinnerpaap iluani.

Danmarkimi misilittakkat takutippaat ukiumoortumik piffissap akissuteqarnermut atorneqartartup naatsorsorneqartarnera annikillisisartoq, naatsorsuinerit pissutaasarmata akissuteqarnissamut piffissap atorneqartup naammaginaruunissaanut aamma agguaqatigiisillugu akissuteqarnissamut piffissap atorneqartartup appartinnissaanut.

Aamma akissuteqarnissamut piffissap atorneqartartup naatsorsorneqartarnera upalungaarsimarerup naammaginarneranut naammaginanginneranulluunniit nalilersuinermut sunniuteqartarpoq imaluunniit nalilersuinermut paasiniallugu sulisut amerlineqarnissaat pisariaqarnersoq.